

TULAFONO.

Ua ou taamilo i lo tatou atunuu, i le ua le asa se aai ma lafu maile e tele ua lilofia ai le ala tele ma fale. O ia foi maile ua tau-lilofia o latou tino i le pefu ma ma'i eseese. A ia outou silafia, o maile mamai na o le a pisia ai tamaiti, ma tupu aile ma'imata, ma mai fulafula, ma po'u matalatetele, e iu foi ina, oti ai.

Ona ia togafitia o lea mataupu o lea ou te poloaii atu ai nei.

O tagata Samoa uma e fia fai maile, ia latou totogi ane le \$ 1 poo le 4 Maka. O le lafoga lea mo le maile e tasi i le tausaga e totogi ane i le Pulenuu o le a'ai i se aso o le masina o Tesema.

A uma ane ona totogi o le \$ 1 poo le 4 Maka mo le maile ona tuu atu ai lea e le Pulenuu i le ana lea maile o le fusi-ua apame-mea, ia fusia ai i le ua o le maile.

O maile uma lava ua maua ae leai ni o latou fusi-ua apa memea, o le'a pueina ma fasi mamate e Leoleo.

O tagata Samoa uma lava o loo tausii pea ni a latou maile ae leai ni fusi-ua o le'a faasalaina i tala 2 — pe fai galuega i ala tele o le Malo mo le vaiaso sa atoa, o le 7 lea o aso.

O lafoga ma sala o maile, e le aumaia i le Fale Teutupe o le Malo i Apia, a o le'a pule ai lava ia Pulenuu ma Leoleo i na tupe; o i latou foi e faasoasoina tutusa ia te i latou.

Apia, 1. Oketopa 1901.

SOLF,

Kovana Kaisalika.

TULAFONO.

Ua so'ona lelei nei ala i Samoa e lei faapea anamua.

Ae ui i lea, e le pine ona toe leaga, pe'a le tausī lelei i ai, amaise o aso timuga e tutupu vave ai le vao. O lea ua ou toe faafou ai le poloa'iga ia faasaga pea nuu uma i le teuteuina lelei o o latou ala

Ua tuu atu nei le faitalia i Pulenuu ia latou faasala tagata uma ua le usitai i lenei tulafono, e sala tupe e le silia le \$1 — e tusa i Maka e 4. O ia sala e le molia mai i le Fale Teutupe o le Malo i Apia, a o le a pule ai lava le Pulenuu ma Leoleo o le Itu Malo ma tufatufa lelei tupe ia te i latou lava — ia gatusa lelei o latou vaega.

Apia, 1. Oketopa 1901.

SOLF,

Kovana Kaisalika.

T A L A I G A

O le faatuina ma le tofia o le Komisi
Sue Fanua ma Suafa.

I SAMOA UMA.

Ina ua ou malaga atu i Siamani i le Masina o Tesema 1901 na ou folafola atu ia te outou ou te tofia se Komisi, latou te suesueina finauga e tele i Fannua ma Suafa pe a ou toe foi mai. O lenei ua ou toe oo mai i inei ma ua ou taofia pea lea folafolaga. Ou te tofia nei o Alii Papalagi e toatolu e fai ma Komisi Sue Fanua ma Suafa :

O le Faamasino Kaisalika Dr. Schultz, O le Taitai Suega,
O Misi Ailani [Haidlen], Le Fua fanua tuai,
O Misi Meki [McDonald], Le Fua fanua Peretania,
o Alii faatonu ia.

O se faaiuga e faia e le Komisi, o le a tumau lava ma na mausali. E leai foi se toe tagi e talia i ona tua. O le Komisi ua tofia nei, latou te silasila tonu i mea e ala mai ai le filemu i lo tatou Atunuu, ma latou faaiuina foi o finauga e tele ua faale-againa ai le lelei o Samoa ona o Suafa ma fanua, o le mea lea ou te faaali atu ai, o tagata Samoa na, latou te soli se faaiuga a le Komisi, e matua faasalaina mamafa lava. Ua ou iloa lelei foi a outou tu ma masani faa-Samoa e matua faigata lava ona malamalama i Alii Papalagi, ae maise foi outou lava ona le manino lelei ai. O le mea lea ou te tofia ai Faipule Samoa e toa (14) sefulu ma le toa fa latou te filifili ma le Komisi Papalagi Suefanua ma suafa i mataupu faa-Samoa e le malamalama ia te i latou.

Faia i Apia 28. Fepuali 1903.

SOLF,
Korona Kaisalika.